

奉節縣卷五

城池

井塔附

夔門爲東川鎖鑰灑瀕瞿唐之險所謂一夫當關萬夫莫開者矣然自庚午歲洪水衝塌東南一帶城墉圯爲平壤非詳請重脩曷由保障茲邑此有土者之重任也爰紀其巔末志城池

城

此古魚復治也漢改曰永安唐改曰奉節與

奉節縣志

卷五

城池

一

白帝瞿唐關迭爲興廢明成化十年郡守李晟砌以磚石東南四百八十七丈五尺西北四百八十七丈五尺爲門五東門郡守張廷柏匾曰瞿唐天險西門巡撫王大用匾曰全蜀咽喉南門副使王喬齡匾曰縱目小南門通判張世宜匾曰觀瀾北門郡守吳潛匾曰肅威後枕高山前臨大江蓋全蜀重鎮也其西北一帶聚出峭岨下窺通城勢難守禦萬歷二年知府郭棐議建敵樓二座詳允創建

今圮西有水洞門

國朝康熙二十三年本府同知王知人奉文查勘城垣一座高一丈八尺周圍五里四分計九百七十五丈開設五門曰賓陽薰德時阜來威肅成乾隆三十五年奉節縣王奕瞻雲陽縣詹仰請項承修至四十四年聞有坍塌經前府臣柱捐廉修補迨後坍塌日甚乾隆五十四年奉節縣沈達勘估二百五十五丈又續坍三丈臞裂一百三十丈零五尺因地

處腹內詳請列入緩修項下咨部有案嗣後歷年久遠又續坍二十丈零五尺合計先後共坍塌二百七十八丈五尺臞裂處一百三十丈零五尺經郡守周景福鄧燠二次補修坍塌處所共三十二丈八尺臞裂處所共二十丈又郡守楊世英補修過坍塌處所十三丈臞裂處所七丈郡守恩成於道光三年到任陸續補修過坍塌處所十七丈三尺臞裂處所二十一丈六尺以上除各任前後補

修外實在計坍塌未修處所尙有二百一十五丈四尺隙裂未修處所八十一丈九尺又歐家缺砌築保坎又新造大南門小南門城樓兩座補修大東門小東門西門三處城樓又大南門小南門隙裂城圈兩處又城垛坍塌一千餘座海墘滲漏三百餘丈全行補整沿城舊保坎全行修整通盤核算修費共需銀一萬五千九百餘兩郡守恩成認捐四成以六成作爲按任攤款具稟各大憲批准有

案自道光四年十一月初一日興工至道光六年十二月初一日工竣因大南門歐家缺一帶濱臨大江土內石工甚巨工程比原估較多及馬王廟後續行坍塌者補修二處又北洞門保坎一處工程均在原報之外通共實用庫秤紋銀二萬一千七百四十三兩六錢二分八釐九毫七絲五忽除原估外多用銀五千七百四十三兩零郡守恩成捐廉賠出自道光六年十二月初一日工竣之日起

無論正署任分作八年攤還郡守恩成實共捐銀一萬二千一百餘兩工竣復稟 大憲批准有案咸豐初年奉節縣知縣錢公補修潘炳等董其事咸豐十一年奉節縣知縣楊澤溥補修潘煥蔡傑等董其事同治九年夏六月洪水汛漲漫城而過遂將自西而東臨江一帶城牆全行湮沒衝塌崩陷大南門小南門城樓二座舊有護城保坎亦並衝毀夔州府郡守鮑康稟請籌款修繕借撥鹽釐項

下銀三萬九千兩工未竣卸任郡守蒯德模接事自捐銀一萬兩各縣攤派銀伍萬兩稟撥鹽釐項下連前共用銀十四萬兩有零實共用銀二十萬兩有零自西門起至大東門玉皇閣止改修石城一道量長二百五十丈高二丈五尺堞高四尺五寸底寬一丈七尺面寬一丈城身內外牆海面城堞全用石條填築實砌以石灰浸縫又修築大東門小南門月城二座概係石料砌成各建城樓一座

極爲宏敞而大南門因地基深陷其費工料尤多較之原建磚城其勢倍加雄巍崇墉峻壁雉堞聳立洵足以壯觀瞻又自城腳起接修石保坎五道自西自東每道長三百一十五丈及二百五六七八十丈不等高二丈四尺至一丈八尺六尺不等又保坎之外加築石護堤一道長三百三十六丈層疊砌築中無空隙實足永資保障又東西城樓及北面城牆炮臺坍塌缺臞裂之處亦皆補葺修繕一

律完固自同治九年冬起至十三年春止五易歲紀實計工程三年之久所有在事官紳人等均係實心經營不辭勞瘁督率者奉節縣知縣呂輝分任者蒯德桐蔡傑周元福雷中閔邢明元王藻陶啟堃陶啟峻張文藻李海曹振玉丁墉劉玉福郭全仁黎墉也

光緒十七年郡伯誠瑞以峽路餘款添修大南門外月臺二十餘層計五十餘丈平正曲折使地勢微平氣象收束又加脩小南門外

保坎兩道長三十餘丈釘樁下石倍形堅固
共用工料錢一千九百餘串文自南門玉皇
閣起至西門止培修堞口百四十八處取石
挖坑者十四處並雨水浸灌滲漏之所共用
工料錢三百八十串零邑人劉鴻恩實司其
役

城池形勢說

易曰王公設險以守其國奉節城池可謂天
設之險後以卧龍山爲屏障城跨山之半腰

前以岷江瞿唐爲天塹諸葛武侯之八陣圖
在焉左以西瀼水爲環拱西瀼水自千頃池
來源遠流長南入大江出口處恰有八陣磧
阻之瀼水折而西流從東門繞南門入江堪
輿家以爲此富貴之象右以閣風溪三岔溪
爲襟帶文天山馬山勝己山在大江南岸爲
文峯東南赤甲白鹽爲掛榜山水出夔門匯
爲瞿唐峽其砥柱中流者灩澦堆也白帝城
馬嶺爲東路關隘蓮花峯箭樓爲西路關隘

一夫當關萬夫莫開焉用鐵柱鎖江爲哉
奉節城內民房草屋居多易招火患道光三
年奉節縣萬承蔭捐資將草房拆蓋瓦房郡
守恩成到任陸續捐錢一千七百串文發交
奉節縣承領全行改造瓦房連年來竟無火
災
城中所少者水也明郡守許宗鑑記曰夔州
舊故無井居民悉汲飲於江接筒引水昉自
漢武迄宋有權水錢王梅溪氏倡罷之其蹟

今皆莫覈我朝前張東坪公自侯家嶺引水
至府治官資其利民江飲如故予乃別踪水
源一自江家坪會馬蝗溪下流引以瓦筒其
山溪不可瓦埋之地以木槽續之凡泉行所
經爲溪者十有一爲嶺者十有二地以里計
者如之一自翟家坪會馬蝗溪上流引以石
筧迤嶺而下尤爲徑直來自山後正北至城
始與東坪公所引之水自西北來者異股合
流源始浩大公私均給焉仍沿山置守戶若

干人城中有池數口曰流潤曰化龍曰武功
曰瀆翠曰通濟曰注香曰利民曰太平舊鑿
以瀆匏水歲久湮塞如平地每春夏之交雨
澤覃降水無委積夫思患預防爲政者事萬
一城池有警有此水涓滴皆民命濬之不可
獨後矧夔地燥剛山峭削多火形數池碁布
星列亦可以制服剛頑而和燮其氣爰命工
皆深其濬化龍瀆翠二池又繚以茨垣俾無
垢水泓清可飲茲各識其池之深廣若干與

諸泉並列于碑以俟後之同志者攷焉

〔按〕此記言夔城水法源委悉備大哉繼武侯
梅谿之功者許公也以後歷任間有修補總
不能復許公之舊八池今多湮沒僅存一二
道光三年知縣萬承蔭爲濬利民池潤澤池
桂花井自於衙署置太平池令城內居民鋪
戶各於街坊置太平池時時貯水郡守恩成
又製造救火器具演習人夫以備不虞復於
城西水洞門內掘得溥利井一眼泉水甚旺

小民受福無窮也

又文德池在治東城外揚清池在按察分司左留潤池近留潤軒留亦作流見舊志

桂花井在城西北卽今之大水井明郡守東坪張公宗鑑許公從後山引水至城歷年既久其間興廢不知凡幾雍正十三年礮圮泉斷郡守崔公邑俊焦公懋熙增脩有記

杜公井在城西北偏近利民池永甯同知杜樞於乾隆五年署夔州府事捐俸新浚由三

道堰至開元寺進城凡三里許用竹石作規泉達於井工竣而公卸事閱八載戊辰公又攝夔篆爲長久計旋捐廉百金置買奉邑渣口石龍姓田地收租十石以資歲修及看守費用並請入交代焉公有便民規井制產記詳藝文利民池在城西北嘉靖郡守張公廷柏開濬瀦水以利濟民生者也汪志敏有重修古利民池記詳藝文

李公井在治城小東門化龍橋南水甚美明

萬歷年間郡守李公時孳鑿之乾隆初年杜樞守夔又命匠重浚之今久而淤沒莫知其鄉杜樞有重浚李公井記

義泉井在東門內宋郡守王十朋接竹引水以代民汲詩曰接筒引水下山陬端爲夔民解百憂長使義泉名不斷莫教人費一錢求天泉井在司馬坊西縣署之後清泉自生石工依然年久淤塞

東井在縣治甕山下井六曰南井西井北井

奉節縣志

卷五

城池

十

石渠井浣沙井土窩井今廢

張公井在府治後郡守張廷柏引水入城以資灌溉

寇公井在相公橋下其泉清涼相傳夔麪之佳者以此水也今廢

惠民井在縣東一名義泉方輿勝覽源出卧龍山又名觀音泉舊志在府治後城內原無井諸葛武侯嘗以竹筒引山水入城後人或
用木甃宋紹興中郡守張棨改用瓦筒甃三

井以瀦水曰惠民尋廢

國朝郡守胡期恆杜樞先後重修石礪以後歷任補修今從正西以竹筧引入府治爲化龍舊池分引城西北隅爲注香舊池俗名大水井又引入小東門內爲潤澤舊池俗名老壩池又從正西引入小西門內者爲利民舊池餘俱淤塞居人多從大江取水唐杜甫有引水詩

水册有汲

流風井在城外御史余公文墓前路南

奉節縣志

卷五

城池

十一

文峯塔在城東南山麓去城五里卽古之瞿唐關也嘉慶二十三年郡守楊世英捐銀數百兩發交奉節縣知縣王如琯建立名曰耀奎塔以培風水塔成後三科折桂者五人董其事者邑紳樊璫黎廷珖胡珠張鈐劉忠誥王有聲冉崇恭馬士夔王士俊徐鑑丁儀山李友鶴也數人各有捐輸及募化銀兩功無私焉

云塔在城東南烏雲頂去城三十里創自

何代不可攷久經傾圮光緒十九年誠郡守
瑞捐廉二千兩建脩以振文風更名文峰塔
純用石砌高十丈勢若擎天司其役者蒯前
守德模介弟德桐